



UNIVERSITÄTS-
BIBLIOTHEK
PADERBORN

Universitätsbibliothek Paderborn

Antonii Bynaei de Calceis Hebraeorum Libri Duo

Bynaeus, Anthony

Dordraci, 1682

Religio nudis pedibus templa intrandi apud varias gentes.

urn:nbn:de:hbz:466:1-12835

hoc Dei mandato apud Hebraeos circa loca sacra religio manavit, ut ea calceatum intrare ducerent nefas. Quæ ratio etiam alias gentes permovit.

F.

Magna apud veteres fuit, atque etiam hodie apud multos populos erga loca sacra & Deorum delubra religio est atque cultus, quæ nudos pedes exigere olim putarunt, & etiam nunc existimant. Vetustis temporibus & etiam nostris apud multas nationes piaculum habebatur & grande nefas, templorum pavimenta calceato pede calcasse. Usurpatum fuisse morem hunc à variis gentibus, quæ solebant calceos exuere, cum fana ingrederentur, Justinus Martyr narrat. Quod à Græcis sæpius factum ex Callimacho & Valerio Flacco discimus. Apud Cretenses, qui Dianam religiosissime venerabantur *Ædem numinis, præterquam nudus vestigia, nullus licite ingrediebatur*, ut Solinus refert. Apud Romanos, ædes Vestæ Deæ nudis

Justin.
Apol. 2.
Callim.
Hym. in
Cerer.
Valer. Flac.
lib. 2.
Solin. c. 17.
Ovid. Fast.
lib. 6.

Drus. ad
Ios. 5.

Roger. de
Rit. &
Rellig.
Bram. lib.
2. c. 10.

Misna in
Massech.
Berach.
cap. 9.

pedibus matronę adibant, ut ex Ovidio scimus. Turcas Moscheas suas non intrare, nisi calceamenta exuerint, jam dudum ex Bartholomæo Giorgiometz, observavit Johannes Drusius. Quod ipsum narrant, qui illas terras diligenter lustrarunt, Georgius Douza, Adamus Olearius, Petrus della Valle. Legatus Christianorum Æthiopum apud Damianum Goensem de patriis moribus loquens: *Nobis, inquit, non datur potestas templum adeundi, nisi nudis pedibus.* Indorum Bramanes Tempora sua, quę *Pagoda* vocant, non intrare nisi calceis detractis, apud Rogerium legimus.

II. Apud Hebræos veteres summa quoque fuit erga loca sacra, & imprimis Templum, religio, quod cum calceis ingredi vetitum fuit. Cautum fuisse, ut qui loca sacra, atque adeo templum, intrare vellent, essent discalceati, docet Misna in Massecheth Berachoth: *לֹא יָכֹנֵס לְהָר הַבֵּיחַ בְּמַקְלוֹ וּבַמְנַעֲלוֹ וּבַפְּנֵדָתוֹ וּבַאֲבָק שַׁעַר רַגְלָיו וְלֹא יַעֲשֶׂה קַפְנֵדָתָא וּרְקִיקָה* Nemo intrabit montem templi cum baculo suo, aut cal-